

Y Cyfarfod Llawn

Dyddiad y cyfarfod:
Dydd Mercher, 5 Chwefror 2014

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda (178)v5

1 Cwestiynau i'r Gweinidog Cyfoeth Naturiol a Bwyd (45 munud)

[Gweld y Cwestiynau](#)

2 Cwestiynau i'r Gweinidog Tai ac Adfywio (45 munud)

[Gweld y Cwestiynau](#)

3 Cwestiynau i'r Cwnsler Cyffredinol (15 munud)

[Gweld y Cwestiynau](#)

Cwestiwn Brys

Simon Thomas (Canolbarth a Gorllewin Cymru): A wnaiff y Gweinidog ddatganiad ynglŷn â chyflogau a phensiynau uwch swyddogion cynghorau yn sgîl adroddiadau Swyddfa Archwilio Cymru?

Cynnig i atal Rheol Sefydlog 12.20(i) a Rheol Sefydlog 11.16 er mwyn caniatáu i NNDM5427 gael eu hystyried (5 munud)

NNDM5428 Mark Drakeford (Gorllewin Caerdydd)

Cynnig bod Cynulliad Cenedlaethol Cymru, yn unol â Rheolau Sefydlog 33.6 a 33.8:

Yn atal Rheol Sefydlog 12.20(i) a'r rhan honno o Reol Sefydlog 11.16 sy'n ei gwneud

yn ofynnol bod y cyhoeddiad wythnosol o dan Reol Sefydlog 11.11 yn darparu'r amserlen ar gyfer busnes yn y Cyfarfod Llawn yr wythnos ganlynol, er mwyn caniatáu i NNDM5427 gael eu hystyried yn y Cyfarfod Llawn ar ddydd Mercher, 5 Chwefror 2014.

4 Cynnig Cydsyniad Deddfwriaethol atodol ar y Bil Plant a Theuluoedd mewn perthynas ag ysmegu mewn cerbydau preifat sy'n cludo person neu bersonau o dan 18 oed (30 munud)

NDM5424 Mark Drakeford (Gorllewin Caerdydd)

Cynnig bod Cynulliad Cenedlaethol Cymru, yn unol â Rheol Sefydlog 29.6, yn cytuno y dylai Senedd y DU ystyried y darpariaethau yn y Bil Plant a Theuluoedd sy'n ymwneud â phrynu neu ymgais i brynu tybaco neu bapurau sigarét ar ran personau sydd o dan 18 oed a gwahardd gwerthu cynhyrchion nicotin i bersonau o dan 18 oed a throseddau, amddiffyniadau, cosbau a champau gorfodi etc cysylltiedig i'r graddau y maent yn dod o fewn cymhwysedd deddfwriaethol Cynulliad Cenedlaethol Cymru.

Mae Memorandwm Cydsyniad Deddfwriaethol wedi'i osod yn y Swyddfa Gyflwyno ar 31 Ionawr 2014 yn unol â Rheol Sefydlog 29.2(iii).

I weld copi o'r Bil ewch i:

<http://services.parliament.uk/bills/2013-14/childrenandfamilies.html> [Saesneg yn unig]

5 Dadl ar Adroddiad y Pwyllgor Deisebau ar Academi Heddwch Cymru (60 munud)

NDM5420 William Powell (Canolbarth a Gorllewin Cymru)

Cynnig bod Cynulliad Cenedlaethol Cymru:

Yn nodi adroddiad y Pwyllgor Deisebau ar sefydlu Academi Heddwch Cymru / Wales Peace Institute, a osodwyd yn y Swyddfa Gyflwyno ar 24 Hydref 2013.

Dogfennau Ategol

[Adroddiad y Pwyllgor Deisebau](#)
[Ymateb Llywodraeth Cymru](#)

6 Dadl y Ceidwadwyr Cymreig (60 munud)
NDM5421 William Graham (Dwyrain De Cymru)

Cynnig bod Cynulliad Cenedlaethol Cymru:

Yn galw ar Lywodraeth Cymru i flaenoriaethu gwella cysylltedd ledled Cymru wledig i sicrhau mynediad effeithiol i wasanaethau.

Cyflwynwyd y gwelliannau a ganlyn:

Gwelliant 1 – Aled Roberts (Gogledd Cymru)

Rhoi pwynt newydd ar ddechrau'r cynnig:

Yn cydnabod pwysigrwydd cysylltedd symudol a band eang i ddatblygu economaidd a chymdeithasol mewn ardaloedd gwledig ac yn galw ar Lywodraeth Cymru i edrych ar y system gynllunio er mwyn sicrhau bod rheolau cynllunio yn cefnogi'r gwaith o ddatblygu seilwaith digidol.

Gwelliant 2 – Elin Jones (Ceredigion)

Ychwanegu pwynt newydd ar ddiwedd y cynnig:

Yn nodi manteision cysylltiad band eang cyflym iawn i'r economi wledig, a hefyd yn nodi'r effeithiau economaidd negyddol y mae manau gwan ar gyfer derbyn band eang ac oedi cyn cyflwyno band eang cyflym yn eu cael ar ardaloedd gwledig.

Gwelliant 3 – Elin Jones (Ceredigion)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i sicrhau bod cynllun cenedlaethol yn cael ei sefydlu i gyflwyno signal symudol 4G ym mhob rhan o Gymru.

Gwelliant 4 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn cydnabod y rhwystrau penodol y mae pobl ifanc yn eu hwynebu mewn ardaloedd gwledig o ran cael addysg, hyfforddiant a chyflogaeth ac yn galw ar Lywodraeth Cymru i asesu ffyrdd o wella cysylltedd trafnidiaeth yng nghefn gwlad er mwyn cynnig mwy o gyfleoedd i gael prentisiaethau.

Gwelliant 5 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn cydnabod bod cysylltedd band eang gwael yn cyfyngu mynediad at wasanaethau bancio ar-lein mewn ardaloedd gwledig, ac yn galw ar Lywodraeth Cymru i gynnwys archwiliad o strwythur banc cymunedol yn y cylch gorchwyl ar gyfer cynnal adolygiad pellach o fanc datblygu ar gyfer Cymru, er mwyn cynnal presenoldeb banciau lleol mewn cymunedau gwledig.

7 Dadl Plaid Cymru (60 munud)

NDM5422 Elin Jones (Ceredigion)

Cynnig bod Cynulliad Cenedlaethol Cymru:

Yn cydnabod potensial sylweddol adnoddau naturiol Cymru ac yn credu y dylai rheolaeth lawn dros y defnydd ohonynt gael ei datganoli i'r Cynulliad Cenedlaethol.

Cyflwynwyd y gwelliannau a ganlyn:

Gwelliant 1 – William Graham (Dwyrain De Cymru)

Dileu popeth ar ôl 'adnoddau naturiol Cymru'.

Gwelliant 2 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn credu y dylid defnyddio adnoddau naturiol Cymru mewn modd sy'n gynaliadwy o ran yr amgylchedd a'r economi er budd tymor hir pobl Cymru.

Gwelliant 3 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn nodi pwysigrwydd cynlluniau ynni cymunedol i fanteisio ar ein hadnoddau naturiol yng Nghymru, ac yn galw ar Lywodraeth Cymru i amlinellu'r camau gweithredu y bydd yn eu cymryd i wella rhaglen Ynni'r Fro yn dilyn cyfres o argymhellion yn adroddiad Gwerthusiad Canol Tymor Ynni'r Fro.

Mae adroddiad Gwerthusiad Canol Tymor Ynni'r Fro ar gael yn:

<http://wales.gov.uk/statistics-and-research/evaluation-ynnir-fro/?lang=cy>

Gwelliant 4 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn credu nad yw Llywodraeth Cymru wedi datblygu'r arbenigedd a'r gallu eto i weinyddu prosiectau ynni ar raddfa fawr.

Gwelliant 5 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i:

- a) cynnal ymchwiliad i sut y gellir datblygu buddion cymunedol prosiectau ynni;
- b) cynnal adolygiad o ganiatáu a thrwyddedu prosiectau ynni adnewyddadwy ar raddfa fach; ac
- c) gweithio gyda Llywodraeth y DU i edrych ar ffiniau dwr.

Gwelliant 6 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i ganiatáu rhagor o leoliaeth o ran defnyddio adnoddau naturiol mewn cymunedau, a rhoi'r un hawliau i bobl Cymru â'r hawliau sydd gan gymunedau yn Lloegr ar hyn o bryd o dan Ddeddf Lleoliaeth 2011.

Gwelliant 7 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu bod camreolaeth Llywodraeth Cymru ar adnoddau pren naturiol ystâd Coedwigaeth Cymru wedi:

a) caniatáu i ardaloedd mawr o goed llarwydd a rhywogaethau coed eraill fod wedi'u heintio o hyd â phytophthora ramorum; a

b) golygu bod clwstwr enfawr o goed llarwydd heintiedig heb eu torri a dwy flynedd o waith wedi cronni yn y rhaglen torri coed.

Gwelliant 8 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn nodi'r rhwystrau o ran hyrwyddo ac amddiffyn adnoddau naturiol Cymru a ddaeth yn sgîl y system gynllunio bresennol.

Gwelliant 9 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn nodi bod penderfyniadau ynghylch taliadau CAP wedi rhoi ffermwyr Cymru o dan anfantais gystadleuol o'u cymharu â gwledydd datganoledig eraill y Deyrnas Unedig wrth iddynt reoli eu hadnoddau naturiol.

Gwelliant 10 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn nodi bod camreoli adnoddau naturiol Cymru yn cyfrannu at ledaenu TB buchol ac yn effeithio ar fywyd gwylt a chynhyrchu amaethyddol yng Nghymru.

Cyfnod Pleidleisio

8 Dadl Fer (30 munud)

NDM5388 Darren Millar (Gorllewin Clwyd)

Pobl hyn, twyll a throseddau ar garreg y drws

Cynhelir Cyfarfod Llawn nesaf y Cynulliad am 13:30, Dydd Mawrth, 11 Chwefror 2014

Eitem 1

Cwestiynau Llafar y Cynulliad a gyflwynwyd ar 29 Ionawr 2014 i'w hateb ar 5 Chwefror 2014

R – Yn dynodi bod yr Aelod wedi datgan buddiant.

W – Yn dynodi bod y cwestiwn wedi'i gyflwyno yn Gymraeg.

(Dangosir rhif gwreiddiol y Cwestiwn mewn cromfachau)

Gofyn i'r Gweinidog Cyfoeth Naturiol a Bwyd

1. Aled Roberts (Gogledd Cymru): A wnaiff y Gweinidog roi'r wybodaeth ddiweddaraf am y ceisiadau a gafwyd gan awdurdodau lleol i gyllido gwaith atgyweirio brys ar amddiffynfeydd arfordirol?

OAQ(4)0116(NRF)W

2. Rhun ap Iorwerth (Ynys Môn): A wnaiff y Gweinidog ddatganiad am hybu bwyd Cymru? OAQ(4)0107(NRF)W

3. Byron Davies (Gorllewin De Cymru): A wnaiff y Gweinidog ddatganiad am bolisi tir comin Llywodraeth Cymru? OAQ(4)0113(NRF)

4. Paul Davies (Preseli Sir Benfro): A wnaiff y Gweinidog ddatganiad am gamau Llywodraeth Cymru i wella ffermio yng ngorllewin Cymru?

OAQ(4)0105(NRF)

5. Elin Jones (Ceredigion): Pa gamau y mae Llywodraeth Cymru yn eu cymryd i hyrwyddo dyfodol ffermio ucheldir? OAQ(4)0101(NRF)W

6. Mohammad Asghar (Dwyrain De Cymru): A wnaiff y Gweinidog roi'r wybodaeth ddiweddaraf am ei gynlluniau i hyrwyddo bwyd a diod o Gymru? OAQ(4)0102(NRF)

7. Eluned Parrott (Canol De Cymru): A wnaiff y Gweinidog ddatganiad am bwysigrwydd rheoli adnoddau naturiol yn gyfrifol yng Nghymru?

OAQ(4)0110(NRF)

8. **Suzy Davies (Gorllewin De Cymru):** A wnaiff y Gweinidog roi'r wybodaeth ddiweddaraf am y rôl y mae Cyfoeth Naturiol Cymru yn ei chwarae o ran diogelu treftadaeth naturiol Cymru? OAQ(4)0115(NRF)
9. **Mike Hedges (Dwyrain Abertawe):** A wnaiff y Gweinidog ddatganiad am y mesurau atal llifogydd sy'n cael eu cymryd yn erbyn afon Tawe yn Nwyrain Abertawe? OAQ(4)0103(NRF)
10. **Gwyn Price (Islwyn):** A wnaiff y Gweinidog ddatganiad am sut y mae Llywodraeth Cymru yn gweithio i fynd i'r afael â thlodi tanwydd? OAQ(4)0108(NRF)
11. **Jenny Rathbone (Canol Caerdydd):** Pa effaith y bydd targedau newydd yr UE ar allyriadau yn eu cael ar rôl Cymru o ran mynd i'r afael â newid yn yr hinsawdd? OAQ(4)0117(NRF)
12. **Christine Chapman (Cwm Cynon):** A wnaiff Llywodraeth Cymru roi'r wybodaeth ddiweddaraf am ei thrafodaethau gyda'r Swyddfa Gartref ynglŷn â'r defnydd o anifeiliaid byw mewn arbrofion? OAQ(4)0112(NRF)
13. **Angela Burns (Gorllewin Caerfyrddin a De Sir Benfro):** A wnaiff y Gweinidog roi'r wybodaeth ddiweddaraf i'r Cynulliad am ba gynnydd sy'n cael ei wneud o ran gwerthuso a gweithredu'r Gronfa Natur? OAQ(4)0109(NRF)
14. **Simon Thomas (Canolbarth a Gorllewin Cymru):** Pa drafodaethau y mae'r Gweinidog wedi eu cynnal ynglŷn â chefnogi cynlluniau trydan dŵr yng Nghanolbarth a Gorllewin Cymru? OAQ(4)0111(NRF)W
15. **Kirsty Williams (Brycheiniog a Sir Faesyfed):** A wnaiff y Gweinidog ddatganiad am ddyfodol ffermio ar rostiroedd Brycheiniog a Sir Faesyfed? OAQ(4)0118(NRF)

Gofyn i'r Gweinidog Tai ac Adfywio

1. **David Rees (Aberafan):** Pa gynnydd sy'n cael ei wneud gan awdurdodau lleol ledled Cymru o ran llunio eu Cynlluniau Datblygu Lleol? OAQ(4)0349(HR)
2. **Leighton Andrews (Rhondda):** A wnaiff y Gweinidog ddatganiad am bolisi tai fforddiadwy Llywodraeth Cymru? OAQ(4)0350(HR)
3. **Angela Burns (Gorllewin Caerfyrddin a De Sir Benfro):** Pa ddulliau monitro sydd ar waith i sicrhau bod cyrff tai yn bodloni canllawiau a gyhoeddir gan eich adran? OAQ(4)0352(HR)
4. **Paul Davies (Preseli Sir Benfro):** A wnaiff y Gweinidog ddatganiad am ymdrechion i adfywio yng ngorllewin Cymru? OAQ(4)0342(HR)
5. **Julie James (Gorllewin Abertawe):** Pa gynlluniau sydd gan y Gweinidog i reoli lledaenu arwyddion gosod mewn ardaloedd o dai amlfeddiannaeth dwysedd uchel? OAQ(4)0344(HR)
6. **Keith Davies (Llanelli):** A wnaiff y Gweinidog ddatganiad am ei flaenoriaethau ar gyfer prosiectau adfywio? OAQ(4)0357(HR)W
7. **Andrew RT Davies (Canol De Cymru):** Pa gamau y mae Llywodraeth Cymru yn eu cymryd i helpu trigolion Canol De Cymru i brynu tŷ am y tro cyntaf? OAQ(4)0346(HR)
8. **Joyce Watson (Canolbarth a Gorllewin Cymru):** A wnaiff y Gweinidog roi'r wybodaeth ddiweddaraf am waith hwyluswyr tai gwledig yng Nghanolbarth a Gorllewin Cymru? OAQ(4)0351(HR)
9. **Bethan Jenkins (Gorllewin De Cymru):** A wnaiff y Gweinidog ddatganiad am orfodi rheoliadau adeiladu? OAQ(4)0343(HR)
10. **William Powell (Canolbarth a Gorllewin Cymru):** A wnaiff y Gweinidog ddatganiad am ddatblygiad proffesiynol parhaus ar gyfer cynllunwyr trefi yng Nghymru? OAQ(4)0354(HR)

11. Alun Ffred Jones (Arfon): A wnaiff y Gweinidog ddatganiad am effaith y Bil Cynllunio arfaethedig ar y Gymraeg? OAQ(4)0345(HR)W

12. Russell George (Sir Drefaldwyn): A wnaiff y Gweinidog ddatganiad am wella perfformiad ynni adeiladau yng Nghymru? OAQ(4)0355(HR)

13. Gwyn Price (Islwyn): A wnaiff y Gweinidog ddatganiad am yr hyn y mae Llywodraeth Cymru yn ei wneud i wella ansawdd stoc tai Cymru? OAQ(4)0347(HR)

14. Suzy Davies (Gorllewin De Cymru): A wnaiff y Gweinidog roi'r wybodaeth ddiweddaraf am weithredu'r Grant Cyfleusterau i'r Anabl? OAQ(4)0348(HR)

15. Mohammad Asghar (Dwyrain De Cymru): A wnaiff y Gweinidog roi'r wybodaeth ddiweddaraf am ei gynlluniau i ddarparu cartrefi fforddiadwy newydd yng Nghymru? OAQ(4)0340(HR)

Gofyn i'r Cwnsler Cyffredinol

1. Simon Thomas (Canolbarth a Gorllewin Cymru): A wnaiff y Cwnsler Cyffredinol ddatganiad am sut y mae Bil Drafft Cymru yn hyrwyddo trafodaeth gyhoeddus ynghylch cyflawni awdurdodaeth ar wahân i Gymru? OAQ(4)0056(CG)W

2. Simon Thomas (Canolbarth a Gorllewin Cymru): Pa drafodaethau y mae'r Cwnsler Cyffredinol wedi eu cael gyda Chomisiwn y Gyfraith ynglŷn â Bil Drafft Cymru? OAQ(4)0057(CG)W